

Innspel til Interkommunal plan for sjøområder i Nordhordland.

Basert på at småbåtar har vore eit viktig framkomstmiddel i fleire tusen år og framleis er eit gode som det må leggst tilrette for i denne plansamanheng, vil ein visa til dei mange lendingsplassane rundt om på øya Lygra og koma med innspel til at planen kan medverka til at øya vert meir attraktiv som bustad og vidare gje grunnlag til utvikling av turisme, næring og fritid.

1. I det ein syner til kommunal arealplan for Lindåsosane og Lurefjorden, ber ein om at areal rundt Fusnesvika merka SBH3, vert tatt med i den nye planen for sjøområda. Grunna ofte og mykje vind frå nord, vil det vera eit framifrå tiltak å få lagt ut ein kombinert flytekai og bølgebrytar i samband med etablering av naust og båtplassar.



2. I Gangstøa aust for kyrkja ligg restane av Prestebryggja som var fast lendingsplass for prest og kyrkjefolk frå Kvalvågområdet i generasjonar. Ber om at dette området vert tatt inn i planen for betre skjerming av tilflot som med enkle grep som ein liten molo til skjeret og ein bølgebrytar/flytebrygge vil gje ly for småbåtar/kanoar og god rekreasjon til båtfolket og eit fint areal til nytte for sjøfarande. Restaurering av kaianlegget vil gje ytterlegare kvalitetsauke av den elles så fine vika.





3. I Skjelvika søraust på Lygra ønskjer ein å utvide og sikre sjøområdet til å omfatte heile vika til ca 20 meter utanfor nordaustre grensa til Gnr /Bnr 58/1, og ber om å sjå på plan for skjerming av vika særleg mot nordavind med ein kombinert bølgebrytar/flytekai for 5-6 båtplassar utanfor neset på sørsida av vika, og i retning mot Skjelvikflua og Skjelvikholmen. Venteleg vil dette kunna trekkja fleire folk til å busetta seg i felt SB4 i Risdalane og elles på ledige tomter i denne delen av Lygra.
4. Ein ber om at heile sjøområdet som ligg innom bygdekaia og grensar til Lygrevågen vert sett av som høgst aktuelt sjøområde for mulege flytebrygger, og kombinert tiltak med bølgebrytar, og der nye kaifrontar vert bygd av naturstein, og heving av langbryggja til tenleg høgde . Her er elles eit felles naustområde for mange bruk på indre Lygra, og det er kommunal veg fram til bygdekaia, noko som kjem heile øya til gode når sjøtransport av folk og bufe skal førast mellom øyane.
5. Frå bygdekaia og sørover er det ønskjeleg å setta av eit sjøområde for småbåthamn utanfor Gnr/Bnr 58/1.

For å få eit tenleg anlegg frå to sider ber ein om at det vert sett av eit sjøareal på ca 20m X 80m lengde til plassering av bølgebrytar/flytebryggje med muleg gjestehamn på sikt. Me ser at det i seinare tid har vore sterk auke i småbåttrafikken i vårt område. Fleire og fleire kjøper seg båt før dei har tinga seg båtplass. Det er elles stor etterspurnad etter overnattingsplassar langs den indre farleia. Det er unike sjøområder for både sport og fritid, noko som områda i Nordhordland må ta høgde for,

og leggja tilhøva betre tilrette med tenlege lendingsplassar for dei reisande i småbåtar, slik ein finn det mange andre stader i fylket.

6. Lønnevågen innerst i Berfjorden ønskjer me som har eigedomar som grensar til indre del av Lønnevågen, Gnr/Bnr 58/1 og 58/2, om at det vert sett av eit sjøområde for utlegging av flytebrygge for småbåtar i heile det egna området i vågen innanfor forlenginga av grenselinja til Bnr 1 i nordaust og ut i sjø og mot Bnr 2. Området har stor auke i bruken av hytter og elles turistar som ønskjer sjå nærmare på det unike friluftsområdet med kort veg frå og til Bergen og med eit utal av fine plassar mellom Lygra, Lurøyne og Lindåsosane..

Innspela er tenkt som ein sikring og registrering av sjøområda kringom på Lygra og Lønnevågen ved Berfjord for seinare utvikling av desse områda til framtidig bruk.

Lygra 10.05.2021,

frå grunneigarane:

Astrid Helen Bergås Pletten Gnr/Bnr: 58 / 4 og 5

Lars Bjørn Lygre Gnr/Bnr: til 58 / 2 og 7

Arnljot Jordal Gnr/Bnr: 58 / 1

Lønnevågen – Berfjord. Sjøarealet gjeld vågen til venstre

